

英議院論安徽礦務問題 ○倫敦支那報云、議員沙遜詢諸英外部大臣曰、安徽礦務最後之合同、于千九百零五年十月二十四號發行照會後、可曾得中政府之覆音、現倫敦支那礦務公司已允准華人在安徽礦務內得佔股份百分之四十、應否再致電駐京英使、詢及華人對於此舉動允認與否、庶使該公司得以永久採辦、時由外部次官倫西門答稱、第一問題、尚未接有中政府覆音、至第二問題、余知駐華英使、已竭力使華人接受、故不須再行電咨、因其在中國與倫敦支那公司代理人時相過從、必能調停其間也、

英國稽察員報告華工近狀 ○倫敦支那報云、據稽察華工官員、及美森之報告、謂有數問題、最難處置、因管理工人者之不善、在礦地之總理亦無法以顧問、良由有事未能與工人直接、必由該管理者之間接、且在工人、亦無從直接申訴情形、查該處工人、于去年六月為止、均平數可有四萬七千六百名、所犯案件、共一萬二千五百三十二起、總之華工尚屬安分守法、至有謂欺辱婦女等事、亦並無實據、惟其奸圖殺害本國之人、固常不免、其犯案最多者、惟性嗜賭博、以至負債纍纍、此外如私售鴉片等情已耳、現所最可慮者、在脫國之白人、品行不甚善良、致華人不免相與習慣云、

津鎮鐵路奏歸商辦 ○津鎮路事、聞袁張二督、意歸官辦、江浙等省、意歸商辦、日前已由鹿尚書等領銜、附片奏歸商辦、全路之款、已擬定由戶部銀行墊支、不日此事可以揭曉、雖此路前曾與德華銀行籌議、議有合同、歸該銀行承辦、而該合同未曾簽字、自不難作廢也、

川督起程赴任 ○川督岑雲帥准於初三日乘南瑞兵船赴漢、由漢折而入湘、與介弟堯帥會晤、然後轉出武漢、乘輪上駛、入川履任、

隨員與留學生起程 ○駐法欽使隨員朱中翰、誦韓、駐比欽使隨員王主政、慕陶、廣西派送德國留學生馬君武、復且公學派送比國留學生陳君定深、李君戎如、均於昨日乘法公司輪船啟程、

賑務

衍聖公將乘桴浮海 ○衍聖公孔令貽、此次到京、正在大記之前一日、既預盛典、又蒙 兩宮優遇、賞給匾額二方、一以旌其母公太夫人、於是極形激勵、遂擬奏請親赴東洋、考察學務、以為歸辦曲阜學堂之預備、現正籌畫、尚未決議、按今衍聖公賦性聰明、棲心翰墨、久為人所欽許、而熱心公益、於教育一事、提倡已四五年、若再加以歷練、飲養新機、則二千四百五十餘年之聖緒、或有復陽之冀、

板浦李本欽統領與張季直函 ○正月廿四回防、敵部舊有各營、腐敗不堪、現經加給餉需、汰除老弱、從新整頓、特具規模、雖已添募五百人、兵力仍嫌單薄、且災歉之後、盜匪益多、雖賑糶兼施、而無告窮民、飢不得食者、相望于道、鄉間報搶之案、層出不窮、擾亂情形、幾與上年粵西相埒、敵營陸續獲犯四十餘起、搜獲快槍土砲亦數十枝、竊思三四月間、新陳不接之時、搶劫更將蜂起、淮北三場、地方遼闊、適時敵部各營緝私已屬不敷、緝匪實難兼顧、瞻言時局、良切隱憂、

美人慨捐中國賑款 ○倫敦支那報云、美國所立之中國商會、已代中國捐募賑款、有五千九百十磅二先令十一辨士之數、總統羅斯福、亦慨捐英金二十磅、託紐約教報匯解、並聞有人建議、擬將賠款中之一分、還與中國、以濟急賑云、